



CANTIC SANTEZ AGNES

PATRONEZ AR MERC'HED YAOUANQ.

Var ton *Sacris Solemniis.*

1.

ENTREZOC'H, tud yaouanq a gar ar burete,
 Ar vertuz angelic a blich calz da Zoue,
 Clêvit cana'r vuez eus a Zantez Agnez
 En despet da Zatan a zo maro güerhez.

2.

Demeus ar guêr a Rom e voa hi guiniëic;
 He zad, he mam a voa ha nobl ha pinvidic;
 Hoguen o merc'h Agnes na estime netra
 Nemet Passion Jesus ha dont d'en imita.

3.

Evel ma commanças da anaout un Doue,
 Dezàn prest ec'h offras he c'horf hac he ene,
 Ha dont da ober vœu eus a virginite,
 Evit e zervicha fideloc'h goude ze.

4.

En oad a zaouzec vloas e fell d'an drouc-speret
 E quittäje he vœu ha qemeret pried,

Quittat he devotion, heuill maximou ar bed,
Evel ma voa ar c'his eus an demezelet,

5.

Un dijentil yaouanq a voa mab d'ar prefet,
O veza bet charmet o velet he guenet,
E creiz ar ru er Rom Agnes a raocontras,
Hac evit e fried dezi en em offras.

6.

Agnes ouz e glêvet a gommanç da grenâ,
Hac evel diouz eun aër a dec'has diountâ :
Eteo ous an ifern ! pella prest, emezi,
Cavet meus eus pried hervez faltazi.

7.

Birviqen em buez dezàn ne faziàn,
Rac eus ar priedou ez eo én ar goellàn;
Beza eo pinvidic, nobl, mad, pur ha parfet,
E dad eo va Doue, hac én Salver ar bed.

8.

P'oe goelet ar gourach ouz ar verc'hez Agnes,
E voe prest accuset da veza Christenez,
Da veza sorcerez, un demezel mechant,
Hac a verite souffr peb poan ha peb tourmant.

9.

Ar prefet e galvaz hac e fedas meurbet :
Agnes, va mab Symphron qemerit da bried,
P'otramant d'al lec'h fall e viot condaonet,
Hac eno dirac oll e collot ho cuerc'hded.

10.

En noas a ben-da-ben e viot divisqet,
Hac er stat-ze dre Rom et viot cunduet,
Ha goude d'al lec'h fall etouez ar galantet,
E lec'h ne guesot sicour, pa viot êruet.

11.

Ar Zantez, hep sponta, a respontas dezàn :
Da Jesus, va güir bried, biqen ne faziàn ;
Roet en deus un æl evit va frezervi
Diouzoc'h qement a zeui d'am ataqi.

12.

Neuze ar barner infam Agnes a gondaonas
Da veza divisqet ha cunduet en noas
E Rom dre ar ruyou, hac ac'hano casset
D'al lec'h fall, etouez tud brutal vel bouc'het.

13.

Mes Jesus, he fried, souden a bermetas
Ma cresqas pront he bleo, pere he goloas,
Bete ma voe casset d'ar zal a infamite,
En esper coll he enor hac he virginite.

14.

Pa voe destumet eno evit coll he enor,
Pini a estime mui eguet mil tenzor,
Eun habit guen a gavas evit en em visqa,
Hac un æl en e c'hichen evit e delivra.

15.

Ractal var he daoulin Agnes en em strinqas,
Ha Jesus, he fried, a galon a bedas
Da gonserv e enor, permeti ma varvje
Qent eguet offanci biqen he furete.

16.

Pa voa Agnes güella oc'h ober orêzon
Ec'h antre libertinet brutal a dirêzon
Da zônjal ober dei coll he virginite
Ha consanti gante d'o oll brutalite.

17.

Mes pa veljont ar zal carguet a sclêrijen,
Agnes var e daoulin, an æl en e c'hichen,
E couejont d'an daoulin da c'houlen oll pardon
Ouz Doue hac Agnes euz a greiz o c'halon.

18.

Evel ma voant sortiet en eur veuli Doue,
En eur gôves o faut hac o temerite,
An dijentil yaouanq Symphron a antreas,
Ha violi Agnes souden a brederas.

19.

Mes d'an neb zo fidel, Doue na vanq james.
Rac se e conservas e vir servicherez;
E qichen he zreid an æl en discaras,
Hac eno var ar plaç maro mic er mougas.

20.

Pa glêvas ar prefet e voa e mab mouguet,
Gant eur goler horrupl e teu en eur redet
D'ar zal da gaout Agnes, o crial aboes pen :
O sorcerez milliguet ! ô qef eus an ifern !

21.

Perac ec'h eus-te lazet va mab muia-carez,
Hep cavet d'e ligne na dezàn nep respet ?
Salocras, eme Agnes, ne meus-én qet lazet ;
E vrutalite infam en deveus e gollet.

22.

Ar prefet digoleret Agnes a supplias :
Ressuscitit va mab, ma ellit, var ar plaç,
Sortiit eta, emezi, rac ne veritit qet
E ve en ho presanç ho mab ressuscitet.

23.

Incontinent d'an daoulin dirac Jesus, e fried
E presant he reqet gant comzou calonec :
Jesus, va c'harantez, roit buez, m'ho ped,
D'an dijentil maro da anaout e bec'het.

24.

Pa edo güir goella oc'h ober orêson,
An æl a ressuscitas an dijentil Symphron,
Pini, incontinent ma voe ressuscitet,
A lavaras a grenn adieu da bep bec'het.

25.

Ouz Doue da guenta e c'houlennas pardon,
Ha goude ouz Agnes eus a greiz e galon,
O crial a boes penn : pardon, va Doue, pardon,
Pardon, Agnes, pardon d'am pec'het dirêson.

26.

Pa velas ar prefet e vab convertisset,
Gant arrach e condaon Agnes da veza losqet;
Pa voe taulet en tan, an tãn en em rannas,
Hac hep touch ouz Agnes calz a dud a losqas.

27.

Goude voe cunduet da veza dibennet :
Ar bourreo o crena, he sqei ne grede qet;
Mes hi ous e bressi a lavaras dezãn :
Evit Jesus, va fried, mervel a zezirãn.

28.

Qen buan ar bourreo, den cruel hac ingrat,
Gant un taol coutelassen e beuzas en he goad :
Ac'hane gant an ælez en ênvou cunduet,
En oad a drizec vloas da veza curunet.

29.

Souden goude ma voe corf Agnes entêret,
Ec'h apparis d'e c'herent gant calz a zentezet :
Bezit fidel, emezi, me a zo curunet
Gand va fried Jesus etouez ar güerc'hezet.

30.

Cetu fin eur femelen a gare ar burete,
Beza bepret en joa en dra bado Doue,
Gant ar Zent, an Ælez, ha gant ar Güerc'hezet;
Birviqen da james Doue ra vezo meulet.

31.

Petra zònjit-hu brema, plac'het losq ha frajil,
Henvel ouz Cathel Gollet dre actionou vil,
Pini a gri arrach en ifern en tan bras
Evit he impurete hep esperi caout graç.

32.

Petra sonjit pa velit un demezel yaouanq
En oad a drizec vloas o souffri pep tourmant,
Qent egnet m'otreje offanç he furete :
Mar doc'h fur, grit evelti, hac e goelot en éa.

33.

Mar doc'h bete vrema evel eur Vadalen,
Elec'h imita Agnes, eur bec'herez monden,
Chenhit, grit pinijen ha goulennit pardon,
Hac e viot pardonet o c'houlen a galon.

34.

Courach eta, m'o suppli; courach oll dud
yaouanq,
Coulz ha Santez Agnes andurit pep tourmant;
Combattit bete'r maro evit ar burete,
Hac e viot curunet pa rentot hoc'h ene.

Qemerit Santez Agnes evit advocades,
Ha sònjit en he buez, pedit-hi alies,
Hac e vo eur voyen da veva pur ha net,
Da veza er Barados coulz hac hi curunet.

FIN.

